

САМУРДИН

СЕЕ

«Магарамдхуьруьн район» МР-дин
общественно-политический газет.
Общественно-политическая газета
МР «Магарамкентский район».

ГОЛОС САМУРА

Газет 1951- йисалай акъатзава. № 31 (8184) киш, 8 -июль, 2023- йис. Къимет 6 манат

МР-дин АДМИНИСТРАЦИЯДА

ШКОЛАЙРА РЕМОНТРИН КІВАЛАХАР



ГАТУН каникулрин вах-тунда райондин са жерге школайра ремонтрин ківалахар киле физва. Алатай гьафтеда МР-дин администрацияди, райондин школайра ремонтрин ківалахар физвай гьал ахтармишна.

Райондин регьбердин тапшуругьрин сергьятда аваз, МР – дин килин 1- заместитель Фейрудин Рагьимханов, МР-дин эцигунрин отделдин работникарни галаз райондин ругуд школадиз фена.

«Образованиедин школадин системайрин модернизация» госпрограммадин сергьятра аваз, Ярукьваларин, Хужакъазмайрин, Гъепцегьрин, Советскийрин, Киркарин ва Гарагьрин школайра тухузвай ремонтрин гьал ахтармишна. Ярукьваларин ва Гъепцегьрин школар галачиз (абурун кьавар виликдай дегишна), амай школайра кьавар дегишарна. Советск хуьруьн школада тамамавилелди школадин вилик патар, кьене патар, яни полар, потолокар, дакларар, дараматда цаяр ийизвай

система дегишарна. Са жерге ківалахар давам жезва. Програмадин бинедаллаз материалринни техникадин базани цийи хьийида.

Авай гьалар ахтармишай МР-дин килин 1- заместитель Фейрудин Рагьимханова гьар юкьуз тухузвай ремонтрин ківалахрал школайрин директоррин гуьзчивал тухунин ва цийи клелунин йис алуькдалди и ківалахар тамамавилелди акьалтларунин чарасузвал авайди лагьана.

ХУЪРУЪН МАЙИШАТ


ЕМИШАР КІВАТІУНИВ ЭГЕЧІНАВА

МАГЪАРАМДХУЪ-РУЪН районда ири цил авай емишар ківатіунив эгечінава. Фад жезвай элитный сортунин хутар райондай уьлкведин ба зарриз рекье тунва.

Икі, райондин Уружбайрин хуьрйи тир багъманчи Тажи-дин Агъмедова пуд гектар чилел хутар канва. Абурукай кьве гектардал фад дигмиш жезвай «Десертная» сорт битмишарзава. Алатай гъафтеда, багъманчиди ківатінавай бегьер

фура улакьда аваз Красноярск шегьердиз рекье тунва.

Багъманчиди кьейд авурвал, винидихъ раханвай и сортунин емишрихъ хъсан дад ва яргъал рекьиз тухуз хъуни, республикада хъиз, вири Россиядани абурухъ кьимет ава.



Магъарамдхуьруьн райондин хуьруьн майишатдин отделди гайи информациядай малум хъайивал, районда 592,5 гектарда хутарин багълар кутунва. 2022- йисуз гъа багъларай 9 агъзурни 158 тонндив агакьна хутар ва алучаяр ківатінавай. Алай 2023- йи-

суз 9 500 тонн ківатіун гуьзетзава.

Алай вахтунда чкайрал, республикада ва уьлкведа, экологиядин рекъйи михьи, хъсан еридин хуьруьн майишатдин продукция гъасилзавайбуруз кьуват гун кьилин задачайрикай сад я.

МУКЪАЯТ ХЪАНА КІАНДА

ГЪАР ЖУЪРЕ транспорт датлана кьекъвезвай рехъ четин, гъамиша мукъаятвал хвена канзавай участок я. Уьмуьрдин дамрар яз гъисабзавай рекъера транспортдин гъерекат кьвердавай гзаф жезва.

Рекъера гъерекат авунин кьайдайрал амал ийиз алахъзавай водителар тїмил ава. Абур пассажирар, парар вахтунда саламатдиз агакьарун патал чалишмиш жезва, рекъера мукъаят жезва. Рекъера ички хъвана, кьил гижі яз рулдихъ ацукъзавайбурни тїмил дуьшуьш жезвач. Рекъера гъерекат авунин истемішунрал амал тийизвайбурни транспорт кьайдадик квачиш маршрутди ацукъзава, чеб рекъера низамсуз тухузва.

Эхиримжи вахтара рулдихъ ацукъзавайбурун жавабдарвал

хкажуниш талукъарнавай законар гзаф кьабулнаватлани, абурал амал тавурбуруз жазаяр гузватлани, жермеяр кьачузватлани, рекъера гъерекат авунин хатасузвал лазим тир дережада авач. Гзафбуру рекъера гъерекат авунин йигинвал кьадардилай хейлин артухарзава, бязибур рекъе авай машинрилай кьайдайрал амал тавуна алудиз алахъзава, рекъерин госзнакрал гзафбуру амал ийизвач.

Маршрутда авай машинар хуьрерин рекъера ихтияр тагузвай чкайрал акъвазарзавайбурни тїмил туш. Анжах са алай йисан ирид вацра цїудралди шоферар водителвинин ихтияррикай магърумна, хейлинбуруз еке жермеяр гуз туна. Гъар жуьре маса жазаяр гайибурун кьадарни тїмил туш.

Ички ишлемишна рулдихъ ацукъун виридалайни еке тахсиркар-

вал я. Вучиз лагъайтїа пияндан кьатїун кьайдадикай хкатзава, гуьтїуь рехъ, кьекъуьн, гуьне гъаркьуь шегъре хъиз аквазва. Ички ишлемишна рулдихъ ацукъун, йигинвал кьадардилай артухарун, кьайдадик квачир машин гараждай ацукъун себеб яз уьмуьрлук риклелай тефидай пашманвилер арадал кьвезва. Гъавилей ички ишлемишна рулдихъ ацукъзавай гъар садахъ галаз неинки рекъерин кьуллугъдинни милициядин работникри, гъакї вири общественностдини рази тежедай женг чїугуна канда.

Чаз транспортди рекъера гъерекат авунин истемішунрал амал тийизвай водителрин риклел мад сеферда жикз канзава: рехъ гъамиша четин, мукъаятвал хвена канзавай участок я.

Магъарамдхуьруьн районда авай ОВД-дин ДПС-дин инспекция.

2023- МАГЪАРАМДХУЪРУЪН РАЙОНДИН 80 ЙИСАН ЮБИЛЕЙДИН ЙИС Я!

ЧИ ВАТАНЭГЪЛИ - ЧИ ДАЯХ

1970-ЙИСУЗ мединститут куътягъай жегъил пешекар Калугадин областдиз рекъе тунай. Сифтедай ада Перемышлдин райбольницада хирургвиле, ахпа 14 йисуз анин къилин духтурвиле кваллахна. 1985-йисалай Вагъид Абдуллаевич Калугадин онкодиспансердин къилин духтур, гъа са вахтунда областдин къилин онкологни я.

Советрин девирда "Миллетдин сагъламвал государстводин девлет я" лугъудай гафар, лозунг мукъвал-мукъвал гъавайда тикрарзавайди тушир. Эхиримжи вахтара медицинадин илим виликди физивайди, цийи дараматар, диагностикадин цийи къайдаяр, хейлин цийи медтехника пайда хъанва. Уълкведин шегъера жуъреба-жуъре азаррик начагъбур сагъар хъийидай гзаф центрайри кваллахзава. Гъукуматдин идара тир "Калугадин областдин онкодиспансер" гъабуркай сад я. Сифтедай и областдин больницадин патав гвай са кабинет тиртла, гила ам гъар йисуз 50 агъзурдалай гзаф агъалийрин сагъламвиле гъал ахтармишзавай диагностикадинни сагъарунин члехи центрдиз элкъвенва. Анжах эхиримжи 10 йисуз ана уьмуьрдикай умудар атланвай къад агъзурдалайни гзаф начагъбур тамамвилелди квачел ахъалдар хъувунва. Шад жедай ва дамагдай кар ам я хъи, анин къилин духтур чи ватандаш, медицинадин илимрин доктор, члехи инсанперес, гъурметлу Вагъид Абдуллаевич Эфендиев я.

-Сифте 4-5 йис иллаки четинбур хъана,- суьгъбетзава Вагъид Абдуллаевича. -Чуру крарихъ, ксарихъ галаз женг члугуна кланзавай. Къайда-низам мягъкемар тавунмаз, кваллахар гуьнгъна тваз жедач. Чернобылдин мусибатди гзаф муракаб месэляра арадал гъана. Гзаф духтурар, медроботничар гъарма сад са-



КУЪРУЪ КЪЕЙД

Вагъид ЭФЕНДИЕВ 1941-йисан 1- январдиз Ахъегъ райондин Ялцугърин хуьре дидедиз хъана. 1952-1953- йисара анин агъалияр Магъарамдхуьруьн райондин Советск хуьруьз эвичнай. Ина 7- класс, 1958-йисуз Дербентдин медучилище акъалтларай жегъил 1962- йисуз Дагъустандин мединститутдик экечна. Пуд йисуз ГДР-да Советрин Армиядин жергъйра къуллугъна хтана, вузда клелун давамар хъувуна.

нихъ катзавай. Агъалийрин арада гъулгъула гъатнавай...

Къейдна кланда хъи, ихтин четин макъамда Вагъид духтурди вичин карчивал, жавабдарвал ва уьткъемвал къалурна. Гъарнай пешекарар жагъур хъувуна, элкъвена кваллахдал хкун патал еке зегъмет члугуна. Агъалияр секинарун, гъавурдик кутун патал серенжемар къабулна. Гъа и ва маса месэлайрин патахъай РФ-дин здравоохранениедин министрдин патав фена. 200 агъзурдалайни гзаф агъалийрин сагъламвиле гъалариз радиацияди таъсирнавани, авачни ахтармишна.

Чи ватандаш онкодиспансер-

дин къиле акъвазай вахт пара четинди ва жавабдарди хъана. Ихтин шартлара адалай медперсоналдин асул дестекар хуьз, ахъайзавай бюджетдин гъевчи такъатрихъ диспансердин кваллах къайдадик кутаз, адаз цийи къуватар хуз ва виликдини тухуз алакьна.

1978-йисуз В.Эфендиева Москвада И.Сеченован тварунихъ галай I-Институтда хирургиядай аспирантура акъалтларна ва агалкъунралди илимрин кандидатвиле, 1996-йисузни "Онкоэпидемиологические последствия радиационного облучения населения после Чернобыльской катастрофы" темадай докторвиле диссертацияр хвена.

Калугадин облдиспансер агъалийрин сагъламвиле къаравулда акъвазнаваз мукъвара 60 йис хъанва. Эхиримжи 25 йисуз лагъайтла, адаз чи бажарагълу, камаллу лезги хва, явлалу интернационалист Вагъид духтурди, регъбервал гузва ва инсафсуз азардихъ галаз женг члугвазва, медицинадин и члехи идарада сагъар хъувунин жуьреяр, къайдаяр къвердавай хъсанарзава.

Гъайиф хъи, ахтинбурун къадар, виликан йисарив гекъигайла, тлимил ваъ, гзаф жезва. И кардин себейрикай сад плагрус члугвазвайбурун къадарни артух хъунихъ галаз алакьалу я. Диспансерда учетда авай жигеррик рак квай 500 кас начагъбурун 90% акъалтлай къалиянчи-яр я.

- Плагрус члугунихъ галаз женг гегъеншардай кели серенжемар къабулин, гъа жергедай яз - законодательный къайдадани. СМИрай къалиянчивал пропаганда авунал къадагъа эцигин, тахъайтла, жигеррик рак чи арада гегъеншдиз чклида!- келелай тагъкимарзава инсандин сагъламвиле члехи къайгъудар Вагъид Абдуллаевича.

Никто не забыт, ничто не забыто!

СВОЮ очередную статью мне бы хотелось посвятить прекрасному человеку, педагогу, смелому и отважному юноше, участнику спецоперации и бесстрашному герою нашего времени Селимову Марату Селимовичу.

Селимов Марат Селимович родился 5 ноября 1988г. в с. Магарамкент Магарамкентского района Республики Дагестан в многодетной семье. Родители – Селимов Селим Таджибович и Селимова Арифа Ганиевна воспитывавшая своих детей честными, отзывчивыми, добродушными, образованными, уважающими труд человека порядочными людьми, старались им привить самые лучшие качества - любовь к своей Родине, своей республике, своему селу, к своим традициям, культуре, национальному колориту, обычаям.

Всего у них четверо детей: два сына и двое дочерей. Как хорошие родители, думающие о будущем своих детей, они хорошо их воспитали и дали прекрасное

Для каждого из нас эти слова многое значат, и в них кроется глубокий смысл...



образование. Всегда трепетно следили за тем, чтобы дети учились. Имя Марату дал его старший брат Спартак, в честь своего лучшего друга.

В первый класс Магарамкентской средней общеобразовательной школы №2 он пошел в 1995году. В школе учился хорошо. Рос подростком жизнерадостным и имеющим много друзей. В 2006 году окончил вышеназванную школу. Спустя два года после окончания средней школы, в 2008 году он поступает в Дербентский институт «Юждаг» на физкультурный факультет. Будучи студентом, Марат был призван в ряды Российской Армии в

2011году. Отслужив год в рядах Российской Армии, он продолжил свою учебу. После окончания института в 2014г. возвращается в свое родное село и устраивается по своей специальности учителем физической культуры в Магарамкентской СОШ №2 и Тагиркентской основной школе. С первых же дней работы он с большим энтузиазмом и вдохновением приступил к выполнению своих служебных обязанностей, так как профессию учителя он любил с самого детства.

Работая в двух школах, показал себя как энергичного педагога, любящего свое дело и детей. Марат Селимович продол-

жал работать учителем, когда был мобилизован для участия в специальной военной операции 23 сентября 2022г.

Марат, как и все наши бойцы, был предан своей Родине и к выполнению своих обязанностей военного относился очень ответственно и с большим вдохновением. О чем свидетельствует его бесстрашие и мужественность, и его подвиг. Погиб Марат, подорвавшись на mine, успев при этом спасти жизнь двух своих сослуживцев со слов очевидцев. 1 ноября 2022г. семья Селимовых получила горестную весть, что их сын Марат выполняя мужественно свой долг перед Отчизной погиб как настоящий герой. 6 ноября 2022г. Селимов Марат Селимович был похоронен в его родном селе Магарамкент со всеми почестями военнослужащего.

Сегодня становится понятно, что без воспитания патриотизма у подрастающего поколения ни в образовании, ни в политике, ни в экономике, ни в культуре невозможно будет уверенно двигаться вперед. С раннего детства человек начинает осоз-

навать себя частицей своей семьи, своей нации, своей Родины.

Вот так, на таких принципах вырос и наш Марат. Ведь у него было с кого брать пример. Его дедушка по отцовской линии Селимов Таджиб Эмирович был участником Великой Отечественной войны 1941-1945гг., который прошел всю войну и вернулся на свою малую Родину. Был награжден орденами и медалями. Преданность служению своей великой России и защита ее границ у Марата, как и у его отца и брата, было в крови. Старший брат Марата Спартак Селимович настоящее время тоже выполняет свой долг перед своей Отчизной, являясь пограничником в г. Шебекино.

24 февраля 2023г. была открыта мемориальная плита в Магарамкентской СОШ №2. Была проведена торжественная линейка, на которой мемориальную плиту открыли глава Магарамкентского района Ахмедов Ф. З. и отец Марата Селимов Селим Таджибович, На этой линейке присутствовали односельчане, педагоги, родные и близкие, в том числе и сестры Марата Селимова. Такая же мемориальная плита появилась теперь и у родного дома,

где родился и вырос наш Марат.

Его как педагога и как человека отличали такие черты характера как ответственность, энергичность, отзывчивость, скромность, инициативность, стремление к развитию и профессиональному росту, доброта и простое человеческое обаяние. Он был не только хорошим человеком, педагогом, но и бесстрашным воином, который поставил долг служения Великой России на первое место.

За добросовестное выполнение своих обязанностей и преданность своему долгу и за большую любовь к своей Родине Селимов Марат Селимович награжден Указом Президента РФ В. В. Путина от 19 декабря 2022г. орденом Мужества (посмертно).

Хочется выразить огромную благодарность родителям, воспитавшим Марата, за сына Героя, который на первое место поставил служение великой России.

З. К. БАБАЕВА,
аспирант ФГБОУ
ВО «СНИГУ им. Н.
Г. Чернышевского».
г. Саратов.

ЧИР ХЪУН ХЪСАН Я

* Лавровый пещер неинки хуьрекдин дад хъсанарун патал ишлемишда, абур гъакни гзаф азаррин дарман я. А пещери нервияр мягкемаруниз, ивида шекердин къадардал гуьзчивал ийиз, ратарин къвалах хъсанаруниз, жалгъайрин тлал секинаруниз, нефесдин органрин къвалах хъсанаруниз ва гзаф маса азарар сагъариз куьмек гуда.

Ам икI гъазурда: 10 г. лавровый пещерал 300 мл гр яд илична ргада, ахпа йикъа пуд сеферда фу недади вилик 1/2 стакандавайди хъвада. Галатун алудун патал лавровый пещерин, чултран цуькверин (1:1) ванна къабулунни гзаф хийирлу я.

* Япариз зайифдаказ ван къевезвайла, аптекадай маса гузвай спиртдин прополисдин настойка зейтундин ягълудик (1:4) какагарда. Ахпа жунадин са клус а къаришмадай къежирна 36 сятда япа твада. Сагъарунин вахт 10-12 югъ. Япарин сес 4-6 йикъалай хъсан жеда.

* Мекъи хъана азарлу тирла, къил тлазвайла ва гъакни хуьрек иливарун патал 2-3 сятдин вахтунда, куьлуь-куьлуь хуплар ийиз, 2-3 стакандавай кудай яд хъун гзаф хийирлу я. Кудай ци бедендик квай зиянлу шейэр вири жудзава.

* Чухуткадин азар квайла, чугъндуррин ва газаррин мижеяр, вирт, (гъар сад 3 стаканда авайди) са стакан алоэдин, 2 стакан ичерин мижеяр вири куьзна, са катулдиз цана бугъ алахьдалди чими ийида. Ахпа аниз вирт алава хъувуна, ам църадалди хуькуьрда. Къайила, коньяк хъияна, мичли рангунин бутылкайриз цана, 15 суткада къвалин гъавада хуьда. (Холодильникда хвена виже къведач). Ахпа йикъа пуд сеферда фу недади вилик 100 г. ишлемишда. Ихътин процедура кыле тухудайла, рапар, дарманар ва маса шейэр ишлемишна, плапрус чулгуна виже къведач. Мижеяр къвале жува-жуваз гъазурун лазим я. Сагъарунин къвед лагъай курс куьтягъ хъайила, жигерар эквериз (рентген) вегъеда.

* Гъар юкъуз зур сятда ахвар авуртла, бедендин къуват артух, нервияр секин, гуьгъуьл ачух, инфаркт, инсульт хъунин хаталувал тимил жеда.

* Яргъалди яшамиш хъун ва яшар хъайила хъсандиз гъисс авун патал са стакандавай некледиз (кун тийидай ва гъакни къайи тушир) хуьрекдин са турунавай дуьдгъвер ва гъакъван вирт вегъене, хъсандиз хуькуьрда. Ахпа аниз 50г. коньяк алава хъувуна (гъетер гъикъван гзаф хъайитла, гъакъван хъсан я), мад хъсандиз хуькуьрна, ксудалди вилик куьлуь-куьлуь хупI ийиз, хъвада. Сагъаруниз 0,5 литр коньяк герек къведа. Гъа икI 10 юкъуз хъвана, 12 юкъуз ял яна мад тикрар хъийида.

* Англиядин духтурри уьгъуьдин дарманрихъ гузвай пул гарал гадарай мисал я лугъуьза. Абуручпин пациентриз мекъивилелай жезвай азаррин лишанар малум хъайила, лимонни вирт кутуна чай хъун меслят къалурзава. Ахътин чайди туьтуьхда ва бронхийра авай гъер бактериярни кваз акъудзава.

2023- МАГЪАРАМДХУЪРУЪН РАЙОНДИН 80 ЙИСАН ЮБИЛЕЙДИН ЙИС Я!

ЧИ ВАТАНЭГЪЛИ - ЧИ ДАЯХ

3 ←

Калугадин онкодиспансерди, анин медикри онкоазаррин вилик пад куниз артух фикир гузва, гьик хьи, эгер абур сифтедай, яни деринриз тефенмаз, чир хъайитла, нетижалудаказ сагъариз хъезва. Ик, областдин агъалияр гьам диспансерда, гьамни, чкайрал физ, мумкинвилер авай райбольницайрани ахтармишзава.

Идалайни гъейри, Россиядин Блохинан тварунихъ галай илимдин Центрдин директор, медицинадин илимрин Академиядин президент, онкологиядин рекъяй институтдин академик М.И. Давыдов, гзаф шегъеррай члехи духтурар, пешекарар атана, Калугадин онкодиспансерда вирида тарс, чешне къачудай хътин операция тухуни анин хъсан гзаф крарикай лугъузва.

И ва маса агалкьунар, са рahunни алач, Вагъид духтурдин, ада камаллудаказ регъбервал гузвай члехи коллективдин гьакъисагъ зегъметдин нетижа я. И медида-рада сагъар хъувур гзафбуру лугъузвайвал, палатайра, вири кабинетра, корпусдин дегълизра - виринра къайда-низам, селигъалувал, михъивал, виниз тир культура ава. Сир туш хьи, сагъар хъувуниз дарманрихъ галаз санал чими гафони, гъурметдалди рафтарвал авуни, начагъбурув абурун рикликай, дердийрикай хабар куналди, гъар садав къайгъударвилелди, чпин багъри ксарив хъиз эгечлунини екез куьмекзава. Вагъид духтурдин чалишмишвилералди, инсанвилин виниз тир хуси чешнедалди ина гъа ихътин гьалар яратмишнава, дуствилин виниз тир меденивилин дережадин коллектив арадал гъанва. Вагъид Абдуллаевича диспансерда гьам сагъар хъийизвайбурун, вири коллективдин, гьам Калугадин областдин руководстводин патай ва Москвадин медакадемияда еке авторитет, гъурмет, машгъурвал къазанмишнава.



Ик, вичин уьмуьрдин 51 йис медицинадиз, халкъдин сагъламвал хуьниз бахшнавай чи ватандаш кьиле авай клиникади диагностикадинни сагъарунин мумкинвилер гегъеншарун, ва материально-технический база мягъкемарун, пешекарар-онкологар гъазурун мадни хъсанарун патал гзаф зегъмет члугъазва.

Къейдна клянда хьи, Вагъид духтурдиз уьлкведин вири регионрай, иллаки Кеферпатан Кавказдин республикайрай хейлин чарар къевезва. Начагъбурун, куьмек кляндайбурун къадар гзаф я. Гъайиф хьи, мумкинвилер сергъят авачирбур я лугъуз жедач, виридан кьаршидиз къевез жезвач.

В.А.Эфендиев Москвадин Медакадемиядин илимрин кандидатвилин ва докторвилин диссертацияр хуьнин рекъяй алимрин Советдин член, чапдай акъатнавай илимдин 64 кьвалахдин ва кьве монографиядин автор я. Адан ученикрикай кьуд касди медицинадин илимрин кандидатвилин дережа хвенва.

Яргъал йисарин намуслу зегъметдай Вагъид Абдуллаевичаз "РФ-дин лайихлу духтур" лагъай твар, Ватандин Члехи дяведа Гъалибвилин 20 йис, Калугадин обла-

стдин 60 йис, И.В.Сталинан 130 йис (Г.Зюганован къул алаз) тамам хуьнихъ галаз алакьалу, Калугадин областдин вилик кьетен лайихлувилерай II ва III лагъай дережайрин медалар, "Перемышль райондин Гъурметлу гражданин" лагъай твар ганва. И шегъерда абуруз бахшнавай аллеяда адан суьрет сифте кьиле ава. Алай вахтунда Вагъид духтур лайихлу пенсиядиз экъечинава.

Бажарагълу духтур, медицинадин кьвалахдин зурба тешкилатчи, члехи коллективдин камаллу регъбер хъиз, ам дуствал, гъурмет авай хизандин кьилни я. Уьмуьрдин юлдаш Гуьлгеза школада тарсар гузвай (алай вахтунда ам рагъметдиз фенва). Дагмединститут акъалтарнавай, медицинадин илимрин кандидатвилин твар къачунвай руш Ларисади Калугадин роддомда кьвалахзава.

Адан уьмуьрдин юлдаш Арсен Исмаилов медицинадин илимрин кандидат, Калугадин онкодиспансердин урологиядин отделениедин заведующий я. Муькуь руш Тамилади кьилин кьве образование къачунва: юридический ва экономический. Адан юлдаш З. Бабаева областдин больницадин онкодиспансерда кьвалахзава. (Кьве езнени лезгийр я).

Гъурметлу Вагъид Абдуллаевич, куьн хътин къанажагълу, карчидай рухвайрал ватандашрини гъахълудаказ дамахзава. Чун пара шад я ви агалкьунрал. Уьлкведин гъи пипле аватлани, намуслудаказ зегъмет члугъазвай, чи халкъдин твар хъсан патахъай виниз акъудзавай вун хътин гъар са лезгидиз баркалла!

Квехъ мягъкем сагъламвал ва хизанда хушбахтвал хуьн чи мурад я, гъурметлу Вагъид Абдуллаевич!

С.ПАШАЕВ,
Советск хуьр.

Как проходит замена полиса ОМС при изменении персональных данных?

МЕДИЦИНСКИЙ полис- это документ, который не имеет срока действия. Его не нужно менять в случае потери работы и приобретения статуса безработного. Однако замена полиса обязательного медицинского страхования (далее – полис ОМС) в связи со сменой персональных данных документа, удостоверяющего личность, места жительства является обязательным условием, так как гражданин изменил паспортные данные.

Территориальный фонд обязательного медицинского страхования Республики Дагестан напоминает гражданам, застрахованным по обязательному медицинскому страхованию, что при изменении личных данных (фамилии, имени, отчества, данных документа, удостоверяющего личность), а также места жительства необходимо уведомить страховую медицинскую организацию в течение одного месяца со дня, когда эти изменения произошли. Эта обязанность гражданина установлена Федеральным законом от 29.11.2011 г. №326-ФЗ «Об обязательном медицинском страховании в Российской Федерации».

В сфере обязательного медицинского страхования действует единый реестр застрахованных лиц, который должен содержать только актуальную информацию о гражданине, а данные полиса ОМС должны соответствовать данным документа, удостоверяющего личность (паспорт, свидетельство о рождении). Только в этом случае пациент идентифицируется в системе обязательного медицинского страхования при обращении за медицинской помощью, и, соответствен-

но, в медицинскую организацию поступает оплата из средств ОМС.

При обращении за медицинской помощью пациенты могут предъявить полис ОМС (бумажный, электронный, цифровой) и документ, удостоверяющий личность. Как показывает практика, многие граждане, получив новый паспорт, забывают сообщить об этих изменениях, и в таких случаях при обращении в медицинскую организацию могут возникнуть проблемы, так как документы застрахованного содержат разные личные данные.

Полис, оформленный на старую фамилию, становится недействительным, при этом в предоставлении медицинских услуг обратившемуся откажут.

Переоформление полиса осуществляется по Заявлению застрахованного лица о переоформлении, которое осуществляется бесплатно при предъявлении документов, подтверждающих изменения.

Например, при смене паспорта зачастую достаточно просто позвонить в страховую компанию и сообщить новый номер паспорта и сведения о дате и месте выдачи, а в случаях изменения фамилии, имени, отчества, даты рождения, места рождения застрахованного лица гражданину необходимо явиться в свою страховую медицинскую организацию, написать соответствующее заявление и представить документы, подтверждающие произошедшие изменения.

Также в случае изменения места жительства и отсутствия по новому месту жительства страховой медицинской организации, в которой ранее был застрахован гражданин, необходимо выбрать другую страховую компанию из

имеющегося перечня страховых медицинских организаций данного субъекта Российской Федерации.

Новый полис придется получать всем подросткам в 14 лет (при первичном получении паспорта), а людям, достигшим 20 и 45 лет (когда происходит смена паспорта по возрасту) переоформление в обязательном порядке.

На официальном сайте ТФОМС Республики Дагестан на главной странице в разделе «Проверить полис ОМС» реализован доступ к региональному сегменту регистра застрахованных лиц, в подразделе «Как оформить полис ОМС» можно ознакомиться с перечнем документов необходимых для оформления/переоформления полиса ОМС, порядком выбора и замены страховой медицинской организации, а также со страховой медицинской организацией, действующей на территории Республики Дагестан и адресами пунктов регистрации полисов ОМС.


Добросовестное исполнение своих обязанностей, своевременное обращение в страховую медицинскую организацию в связи со сменой личных данных поможет гражданам избежать трудностей при обращении за медицинской помощью.

По всем вопросам, связанным с переоформлением полиса обязательного медицинского страхования, выбора и замены страховой медицинской организации можно обращаться в контакт-центр в сфере обязательного медицинского страхования по телефонам:

ТФОМС РД - 8 (800) 222-29-05;

Филиал АО «МАКС-М» в г.Махачкала - 8 (800) 333-06-03.

КРОССВОРД



Дуъз царара: 1.Гъакъикъатдиз мукъва тушир, къундарма. 4.Гелкъуън, иесивал авун. 7.Секинвал вугун тавун, бизар хъун. 9.Таб, гъакъикъатдиз акси. 11.Чайханада къвалахзавайди. 12.Гуълчве, ракъиникай ва я марфадикай чуънуьх жедай чка. 13.Цяял чрай як. 15. Къафун галачиз. 17. Азиятдик квай, дарвили эзмишнавай. 18.Чапхунун.

Тик царара: 1.Умудлувал авачиз. 2.Цвалар ийидайла дишегълийри туплал алулкзай затӀ. 3.Туькъуъл. 4.Зегъер. 5.Хуьре ва я шегъерда яшамиш жезвайди. 6.Азият тагана, михъивилелди, къезилдиз къвалах авун. 8.Туьрди цурурун. 10. Дуьнья. 11. Пухлувал. 12. Лезгийрин рикӀ алай са хуьрек. 14. Сал. 15.Шуькъуьвилиан антоним. 16.Намус.

ОБЪЯВЛЕНИЕ

Отдел МВД России по Магарамкентскому району призывает жителей района и гостей соблюдать меры безопасности и напоминает о том, что купание в море ЗАПРЕЩЕНО!

Къаравилияр

*ЖЕГЪИЛ итим окулистдин патав къвезва ва арза ийизва:
-Духтур, мехъерар авурдалай къулухъ зи вилерин ишигъ зайиф хъанвай хътиинди я: заз пул аквазмач.*

* * *

-Чаз негри аял хъун мумкин я,- лугъуда папа вичин итимдиз роддомдиз тухузвай рекъе.

-Вучиз?- аламат хъана итим.

-Бес ваз акуначни чи виликай чулава кац фейиди?

Итимдини хтана и суьгъбет вичин къвалевай диде-бубадиз аламатдин кар хъиз ахъайда ва и кардин гъавурда акъур бубади дидедай хабар къада:

-Ви рикел аламани, чан паб, за вун роддомдиз и небгет хаз тухудайла чи виликай лам фейиди?

**Къилин редактор
Р.Н. АБДУРАГЪИМОВ.**

Редакциядин адрес:
368780. РД, Магарамдхуьруьн район, Магарамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магарамкентский район».

Адрес: 368780. РД, Магарамдхуьруьн район, Магарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Управлением Роскомнадзора по РД.

**Чап ийиз вахкудай вахт - 16.00.
Чапун патал къул чуьгуна- 15.00.**

Газетдин регистрациядин нумра- ПИ № ТУ05 - 00438.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче, 4. Лезги чӀап.

**Индекс 63340. Тираж 1400
Заказ № 31.**

6+